

Surat khabar: Utusan Sarawak

Hari/Tarikh: 3/12/2016

Muka surat: 7

Tajuk : UNIMAS ceriakan anak pelarian Rohingya

# UNIMAS ceriakan anak pelarian Rohingya



**UNTUK ALBUM...** Mahasiswa Sarjana Sains Pembangunan Sumber Manusia, UNIMAS Learning Centre merakam gambar bersama anak-anak pelarian Rohingya.



**TAHANIAH...** Salah seorang anak pelarian Rohingya menerima cenderamata daripada Mahasiswa Sarjana Sains Pembangunan Sumber Manusia, UNIMAS Learning Centre.

**KUALA LUMPUR:** Mahasiswa Sarjana Sains Pembangunan Sumber Manusia, UNIMAS Learning Centre di sini berjaya menganjur Program UNIMAS: 'We Care We Spread The Love

2016' di Sekolah Pelangi Kasih, Taman Selayang Baru, Batu Caves.

Kenyataan akhbar universiti berkenaan semalam menyatakan, antara objektif penganju-

ran program berkenaan adalah untuk menceriakan kanak-kanak di sekolah berkenaan terutama melibatkan 70 anak-anak pelarian Rohingya.

"Ia sekali gus membuka peluang kepada pelajar UNIMAS untuk mengajar Bahasa Inggeris dan memotivasi mereka," kata kenyataan itu.

Acara yang dianjurkan untuk pertama kali oleh Mahasiswa Sarjana Sains Pembangunan Sumber Manusia 2016 di Kampus UNIMAS Kuala Lumpur ialah untuk menyedarkan kepada orang awam mengenai anak-anak pelarian Rohingya yang memerlukan perhatian dari segi jasmani, rohani, intelek dan emosi.

Sekolah Pelangi Kasih yang ditaja atas sumbangan pihak awam ini menjadi pusat pembelajaran kepada anak-anak Rohingya yang berumur dari 5 tahun ke 16 tahun.

Anak-anak pelarian dari Myanmar ini diajar Bahasa Malaysia, Bahasa Inggeris, Matematik dan Agama oleh sukarelawan-sukarelawan Malaysia.